

總攏(tsóng-láng)

千里眼：(模仿人掠寶可夢) 緊咧緊咧，遮一隻，遐一隻，緊掠起來，緊掠起來。

順風耳：無啊！千里眼，你是咧起痾矣，是無？一直喝：「遮一隻，遐一隻。」抑無，你是看著歹物仔喔？

千里眼：嘖(tsheh)！你才去看著鬼啦！順風耳，你莫袂博假傳！烏白講。

順風耳：小等咧！咱待佇遮。

千里眼：是啊！觀眾裁判攏佇遐。

順風耳：著愛共 ……

順風耳&千里眼：請安佢問好。

順風耳：禮數有夠逐家褒。

千里眼：千里眼，祝逐家攏平安。

順風耳：順風耳，祝逐工攏歡喜。

千里眼&順風耳：上台行禮。

千里眼：(責備的口氣) 無啊！順風耳，你今仔日是食毋著藥仔喔？

順風耳：(誠無辜的款) 無啊！千里眼，我看你才是無佻(gu ā)正經的款。

千里眼：哪有啦！

順風耳：(誠懷疑的款)無？！你拄才才佇遐直直喝：「遮一隻，遐一隻。緊掠起來，緊掠起來。」

千里眼：嘿(hennh)啊！順風耳，你有影是順風耳，你無去聽毋著去。

順風耳：(誠懷疑四界看看咧，心內有淡薄仔驚驚)咱遮----，啥物件就攏無啊！(若欲佢人冤家的款)你是共我當做是目睺生佇頭殼尾頂是無？

千里眼：無啦！你袂記得我千里眼，會使看到佢位，摸到佢位，是無？

順風耳：啥貨啦！你猶閣咧用你的火眼金睛，日時摸無到，摸時閣繼落去被底摸喔！

千里眼：我才無咧起恁講，我猶無想欲變青盲仔佢啞口的。

順風耳：抑無，你是咧創啥啦！

千里眼：我就咧掠橐袋仔怪啦！

順風耳：(誠想袂到的款)啥！你嘛咧綴人流行喔！(落英語、日語、臺語)Pocket monsters----ポケモン(*Pokémon*)，抱去摸喔！

千里眼：白布沐著打馬膠----歹勢啦！

順風耳：你人倚佇路燈跤----有影喔！

千里眼：毋是啦，我兩字講無著啦！我咧**模仿**人掠橐袋仔怪啦！

順風耳：毋著喔！是三字無講著。（順繼拗指頭仔強調）「模仿人」三字。

千里眼：好矣啦！你莫鑿(tshak)阮的話縫矣啦。

順風耳：阮曷無(ah-bô)掠你的話蝨(u ē -sat)矣，是你家己講毋著去的，閣咧怪人(kuài--lâng)。

千里眼：（司奶的款）順風耳！

順風耳：欲請喔？

千里眼：嘿啊，拜六、禮拜有閒無？

順風耳：若你欲請的，無閒嘛愛變有閒。欲佗位？

千里眼：欲來去……

順風耳：毋就緊講！

千里眼：老人院。

順風耳：去遐掠神奇寶貝？

千里眼：來去遐做田野調查啦！

順風耳：啥！田野調查！無聊！阮無愛去！

千里眼：這你就毋捌囉！

順風耳：你有影是看貓的無點呢！

千里眼：你敢無聽人講：「老人毋講古，少年毋捌寶。」

順風耳：(有自信的款)我知啊！毋過，田野調查足麻煩的。

千里眼：哪會麻煩？

順風耳：欲錄音愛有錄音機抑無就是錄音筆。

千里眼：用手機仔就會使矣。

順風耳：欲翕相就愛有翕相機。

千里眼：這手機仔就解決矣。

順風耳：若欲錄影，閣愛用錄影機，遐大台，費費氣氣。

千里眼：這手機仔就好勢矣。

順風耳：等咧！你講啥！閣講一遍。

千里眼：我是講錄音、翕相、佢錄影，干焦一台手機仔就總攏(láng)
起來矣。

順風耳：有影無？干焦一台手機仔就會使矣？

千里眼：袂騙你啦！現代科技誠進步，手機仔方便誠好用。

順風耳：聽你這馬按呢講，方便好用講會通。

千里眼：今(tann)你是欲去抑毋去啦？

順風耳：是講這佢你模仿人掠橐袋仔怪有啥關係？

千里眼：啊你一開始毋是咧問我是毋是咧起痾矣？

順風耳：嘿啊，按邊仔看有影就像起痾仝款。

千里眼：是啊。你看新聞報紙報甲 pìn-piáng 叫。交通安全無咧顧。

順風耳：定定予人開罰單。

千里眼：駛車騎車無咧看。

順風耳：為著掠寶，衝去海裡無性命。

千里眼：為著掠怪，正經頭路無咧顧。

順風耳：讀冊囡仔迷甲冊毋讀。

千里眼：所以講，歇睏時陣，休閒活動有分寸。

順風耳：心情輕鬆咱快活，才袂心頭亂紛紛。

千里眼：就是講毋，著做一寡有意義佢會當充實咱的活動上蓋好。

順風耳：喂！你想欲牽龜落湍(làm)。

千里眼：毋是啦！你是牛鼻去拄著賊手。

順風耳：乖乖仔綴你行！是講這佢咱去老人院做田野調查有啥關係？

千里眼：予 有表現的機會啊！嘛予咱有學習的機會啊！

順風耳：是欲表現啥？閣欲學習啥？

千里眼：予 表現臺語的智慧佢臺語的嬌啊！

順風耳：(誠歡喜的款) 按呢我知我知，咱就會當學著足濟足濟咱
袂曉的臺語，傳承咱本土的文化。

千里眼：按呢欲去無？

順風耳：當然嘛欲去。會當佢老人開講，聽 講故事。

千里眼：閣予咱學著足濟足濟物件，俗語、謎猜、故事等等攞總有。

無去誠可惜。

順風耳：有影，真正是一兼二顧，摸蚬仔兼洗褲。

千里眼：讚讚讚，共你掙一百个讚。

順風耳：休閒活動有意義，充實家己上著時。

千里眼：科技產品做輔助，幫助母語的傳承。

順風耳：文化傳承袂當斷。

千里眼：文化傳承袂當無。

順風耳&千里眼：文化傳承袂當無啊袂當無。

千里眼：千里眼。

順風耳：順風耳。

千里眼&順風耳：落台行禮。